



Universitätsbibliothek Paderborn

Geistliche Hauß-Bibliothec

Allgemainer Hauß-Catechismus/ Das ist/ Kurtze vnd gründliche Erklärung
aller derjenigen Lehren/ welche ein jeder Christglaubiger Mensch zur
Erhaltung vnd Beschützung seines Glaubens wissen/ vnd sonderlich in
Obacht nemmen soll

Lohner, Tobias

München, 1685

9. Einred.

urn:nbn:de:hbz:466:1-44834

nach fleißigem Nachdencken in seinem Gewissen nicht befindet: so ist man auch nicht schuldig/ alle tägliche kleine Sünden zu beichten/ obwol es gut vnd rechtsamb ist/ schwere Sünd aber lassen sich so leichtlich nicht vergessen. Ein recht gethane Beichte bringet grossen Trost/ vnd süsse Ruhe des Hergens.

Neundte Einred.

WAn sagt/ was man wol/ so seynd doch die zehen Gebott vnmöglich mit Gedancken/ Worten/ vnd Wercken zu halten.

Antwort.

WAn sag/ was man wol/ so kan man sie doch halten/ sonst können sich die Todtschläger/ Ehebrecher/ Dieb/ falsche Zeugen/ vnd andere Ubelthäter billich entschuldigen/ vnd vorgeben: sie haben das Tödtten/ Ehebrechen/ Stehlen/ vnd dergleichen nicht lassen können. Welches Entschuldigen weil die Vn-Catholische selbst vor Gericht nicht für gültig erkennen/ werden sie auch bekennen/ daß die Gebott mit Worten vnd Wercken möglich zu halten: Darus was freywillig gethan wird/ das kan vnderlassen werden/ vnd was gezwungner weiß geschehen ist/ das kan man mit Rechte nicht straffen.

Was die Gedancken belangt/ darvon die letzte zwey Gebott handeln/ seynd drey Stück zu beobachten: Erstlich ist zu wissen/ daß die Begierlichkeit / Neugung/ vnd Aneigung/ womit der Mensch offft vndersehens angefochten/ vnd versuchet wird /

kein Sünd sey/ so lang er nicht darein verwilliget / sondern widerstrebt : Zum andern ist zu wissen/ daß die erste Bewegnuß diser Neigung/ vnd Begierlichkeit / welche dem Verstand vorbricht / auch kein Sünd sey: Drittens ist zu mercken/ daß die Einwilligung in die Begierlichkeit ein Sünd sey/ welche Einwilligung aber kan vnd sol von vns (mit Göttlicher Beyhülff) außgeschlagen/ vnd vermeydet werden. Wer das wol verstehet/ wird auch gesehen/ daß alle zehen Gebott/ nicht allein mit Worten vnd Wercken/ sondern mit den Gedancken möglich zu halten.

Zehendte Einred.

Die Catholische solten das Nachtmahl halten/ wie es Christus gehalten.

Antwort.

Das solten die Un-Catholische auch thun: Solten erstlich vor der Haltung des Nachtmahls einander die Füß waschen/ wie Christus gethan / vnd hernach zu thun ernstlich befohlen hat : (1. Joan. 13.) solten das Nachtmahl nicht Morgens/ nüchtern/ sonder zu Abend nach dem Nachtessen/ nach dem Osterlämblein niessen/ vnd empfangen: solten nicht mehr als zwölff darbey seyn/ kein Lay/ kein Weibsperson/ sondern ein Judas: solten auch das Brodt brechen/ vnd in Syrischer Sprach den Segen sprechen: solten alle auß einem Kelch trincken/ vnd zwar also/ daß nicht vonnöthen zweymal